

phanis, explanatis, basi pronoti circiter dimidio latioribus, apicem abdominis sat longe superantibus, lateribus leviter rotundatis, venis elevatis nullis, embolio optime discreto, sat anguste explanato, commissura clavi scutello paullo longiore, cuneo latitudine basali longiore, membrana cum areolis hyalina, his confluentibus, angulo interiore apicali arcuato, vena cubitali solum apice distinguenda; xypho prosterni disco concavo; coxis anticis medium mesosterni attingentibus; pedibus gracilibus, tibiis submuticis, tarsis linearibus, unguiculis minutis, aroliis conniventibus; terebra feminae brevi, medium ventris haud attingente.

Generi *Hyalochloria* m. affinis et similis, differt autem capite a latere viso altitudini basali aequae longo, pronoto margine basali truncato nec sinuato, sulco pronoti medio carina elevata longitudinali instructo hemielytrisque minus late explanatis.

Mesotropis viridifasciatus n. sp.

Oblongo-ovalis, dilutissime virescens, nitidus, subglaber, hemielytris hyalinis, commissura clavi tenuiter, margine interiore embolii, fascia transversali mox supra tertiam apicalem partem corii, marginibus basali et exteriori cunei venisque membranae smaragdinis; antennis articulo primo externe, basi secundi externe ultimisque, basi tertii excepta, tarsis articulo ultimo nigris; collo capitis oculo a supero viso saltem aequae longo, oculis fuscis, vertice inter oculos aequali, oculo vix magis quam dimidio latiore (♀); antennis articulo secundo margine basali pronoti paullo longiore. ♀. Long. $2\frac{3}{4}$, lat. 1 mm.

Kingston. 1 ♀.

Div. **Plagiognatharia** Reut.

26. Psallus atomophorus n. sp.

Pallide stramineus, opacus, superne pilis brevibus aureis facillime divellendis pubescens, hemielytris nigro-pubescentibus; capite apiceque pronoti dilute aurantiacis; pronoto, scutello hemielytrisque ubique punctis minutis vel ato-